



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 04-11-10-1406-101/21 – BA/SA
Tuzla, 30.12.2021. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke za izbor ponuđača po Javnom pozivu za dostavu ponuda za ugovaranje zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu, od strane Komisije za provođenje postupka dodjele ugovora u postupcima ugovaranja zdravstvene zaštite, donosi se sljedeća

O D L U K A

**o izboru ponuđača –
u postupku ugovaranja zdravstvene zaštite nivoa opće bolnice
koja će se pružati osiguranim licima sa područja Grada Gračanica i općine Doboj Istok i
gravitirajućeg područja za 2022. godinu**

Član 1.

Za realizaciju usluga zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu, ovom Odlukom se u skladu sa Preporukom Komisije za provođenje postupka dodjele ugovora u postupcima ugovaranja zdravstvene zaštite za 2022. godinu, bira sljedeći ponuđač:

- JZU Opća bolnica „Dr. Mustafa Beganović“ Gračanica

Član 2.

Na osnovu dostavljene ponude JZU Opća bolnica „Dr. Mustafa Beganović“ Gračanica dodjeljuju se sredstva u iznosu 5.772.461 KM za pružanje svih djelatnosti koje su obuhvaćene Javnim pozivom za dostavu ponuda za ugovaranje zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu.

Izabranom ponuđaču će se na osnovu člana 15. Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2022. godinu, broj: 02/1-11-30067/21 od 08.12.2021. godine, dodijeliti i sredstva za mikrobiološku laboratorijsku dijagnostiku sekundarnog nivoa za vanbolničke pacijente u iznosu od 176.568 KM.

Ukupna sredstva koja se dodjeljuju JZU Opća bolnica „Dr. Mustafa Beganović“ Gračanica iznose 5.949.029 KM.

Član 3.

Na ime rizika upućivanja na više nivoe zdravstvene zaštite, a u skladu sa članom 44. Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz

obaveznog zdravstvenog osiguranja za 2022. godinu, sredstva u iznosu od 34.730 KM će se dodijeliti JZU Univerzitetskom kliničkom centru Tuzla.

Član 4.

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje ugovora o pružanju zdravstvene zaštite i usvajanjem Odluke Upravnog odbora ZZO TK o davanju Saglasnosti na zaključivanje ugovora o pružanju zdravstvene zaštite, Ugovorni organ će sa izabranim ponuđačem zaključiti Ugovor o pružanju usluga zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu.

Član 5.

Ugovorni organ će istovremeno sa slanjem Odluke o izboru izabranim ponuđačima, objaviti dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama.

Član 6.

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

Član 7.

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14), člana 7. stav (3) i (4) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama ("Službeni glasnik BiH" broj: 66/16), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2022. godinu, broj: 02/1-11-30067/21 od 08.12.2021. godine, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Saglasnosti Ministarstva zdravstva TK broj: 13/1-33-030109/21 od 08.12.2021. godine, dana 09.12.2021. godine, objavljen je Javni poziv za dostavu ponuda za ugovaranje zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu.

Predmet nabavke je pružanje zdravstvene zaštite saglasno Programu zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja saglasno Programu zdravstvene zaštite iz obaveznog zdravstvenog osiguranja za 2022. godinu.

Predmet ugovaranja se odnosi na Program zdravstvene zaštite za nivo opće bolnice što obuhvata sljedeće:

- Specijalističko - konsultativna zdravstvena zaštita – sekundarnog nivoa,
- Dijagnostička djelatnost za vanbolničke pacijente – sekundarnog nivoa,
- Dijagnostička djelatnost i ostale prateće djelatnosti za hospitalizirane pacijente – sekundarnog nivoa,

- Bolnička zdravstvena zaštita – sekundarnog nivoa.

Kriterij je ekonomski najpovoljnija ponuda sa sljedećim potkriterijima:

- a) kompletnost pružanja usluga zdravstvene zaštite – 90%
- b) organizovana djelatnost transfuziologije –5%
- c) mogućnost organizovanja medicinskog transporta van kantona i BiH – 5%

Javni poziv je bio otvoren do 24.12.2021. godine, do 11 sati.

Do krajnjeg roka za dostavu ponuda, ponudu je dostavio jedan zainteresirani ponuđač Opća bolnica dr. Mustafa Beganović Gračanica.

Nakon otvaranja, pregleda i ocjene ponuda, sačinjen je Zapisnik o otvaranju, pregledu i ocjeni ponuda koji sadrži sve elemente vezano za evaluaciju dostavljenih ponuda.

S obzirom da je ponudu dostavio samo jedan ponuđač, nije izvršeno bodovanje predviđeno u tački 6. Javnog poziva.

Obzirom da je za Javni poziv za dostavu ponuda za ugovaranje zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu, tačkom 6., predviđeno vođenje pregovora sa ponuđačima koji dostave ponude koje budu ocjenjene kao formalno pravno ispravne odnosno koje su prihvatljive, Ugovorni organ je Ponuđača koji je dostavio ponudu koja je ocjenjena kao formalno pravno ispravna odnosno koja je prihvatljiva, pozvao na pregovore.

U skladu sa članom 9. stav (5) tačka e) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama ("Službeni glasnik BiH", broj: 66/16), sačinjen je Izvještaj o prijedlozima i sporazumima do kojih je se došlo nakon provedenih pregovora sa ponuđačem.

Na osnovu navedenog Izvještaja, sačinjen je i Zapisnik o provedenim pregovorima u vezi Javnog poziva za dostavu ponuda za ugovaranje zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu

Komisija je dala Preporuku da se ugovaranje zdravstvene zaštite nivoa opće bolnice koja će se pružati osiguranim licima sa područja Grada Gračanica i općine Doboj Istok i gravitirajućeg područja za 2022. godinu, dodjeli ponuđaču JZU Opća bolnica „Dr. Mustafa Beganović“ Gračanica.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.


Uzimajući u obzir naprijed navedeno, odlučeno je kao u članu 1. dispozitiva ove Odluke.

POUKA O PRAVNOM LIJEKU:

Protiv ove odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana objavljivanja dobrovoljnog ex ante obavještenja o transparentnosti.

Dostavljeno:

1. Ponuđaču (s dostavnicom)
2. Sektor za zdravstveno osiguranje i informatičku podršku
3. a/a



DIREKTOR

mr. Denis Husić, dipl. pravnik